

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCLXX.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

den Heiligen gesworen, Im vnd seiner Marggraueschafft getruwe vnd hold zu
 sind, sinen frommen vnd bestes altzyt zu werben, sinen schaden zu warnen
 sine Rechte mit andern sinen mannen zu sprechen, so dicke sin gnade daz an
 mich gesinnet, vnd allez daz zu tund daz ein mann sinem Herrn von sins
 mann Lehens wegen durch gewohnheit oder durch Recht schuldig vnd gebun-
 den ist zu tund herjnn usgenommen sin vnd seiner manne Recht one alle ge-
 uerde vnd dez alles zu Vrkund So han Ich min eygen Insigel gehenckt an
 disen Brieff der geben ist vff den Dynstag nach den Sontag Jubilate anno
 Dni millesimo quadringentesimo vicesimo nono.

CCCLXX.

LITTERÆ INVESTITURÆ SIGISMUNDI IMPERATO-
 RIS WILHELMO MARCHIONI HACHBERGA-
 SAUSENBERGENSI DATÆ.

ANNO MCCCCXXIX.

Ex Authentico.

Wir SIGMUND von gotes gnaden Romischer Kunig zu allent-
 zeiten Merer des Reichs vnd zu Hungern zu Behein Dalmatien,
 Croatien &c. kunig bekennen vnd tun kunt offenbar mit diesem brieffe allen
 den die In sehen oder horen lesen, das vns hat fürbringen lassen der wolge-
 born Marggraf Wilhelm von Hohberg Herre zu Rotteln vnd zu Susenberg,

Cod. Dipl. P. II.


Z

vnser vnd des Riche lieber getruwer, daz sein Vatter Marggraff Rudolff selig
 von Todes wegen abgegangen sey vnd hat vns demuthiglich laßen bitten, daz
 wir Im die lehen so sein Vatter selig von vns vnd dem heyligen Riche zu Le-
 hen gehebt vnd an In erblich geuallen sein. Als die hernach geschriben stant,
 Mit namen die Lantgrafschaft Im Brysgow mit Lantgerichten, Hofgerichten
 manschefften vnd wiltbennen dartzu gehorende vnd ouch alle vnd yegliche
 andere sine Lehene, lehenschaft, manschaft, Land vnd Lütthe die von vns
 vnd dem heyligen Riche zu lehen rüren, mit allen Iren Rechten vnd Zugeho-
 rungen gnediglich geruchten zu verlihen, des haben wir angesehen solich
 sein redliche bete vnd ouch die mannichfeltig getrewe willige vnd unverdroßen
 dienste so sein Vatter vnd vordern vnsern Vorfaren Romischen keyfern vnd
 kunigen vnd vns oft vnd dicke getan hat, teglich tut vnd fürbas tun sol
 vnd mag in kunstigen tzeiten, vnd haben Im dorumb mit wolbedachtem
 mute gutem Rat vnd Rechter wissen, die vorgeschriben Lantgrafschaft mit
 Landgerichten, Hofgerichten, manschefften, wiltpennen zu derselben Lantgraf-
 schafft gehorende, vnd dartzu alle vnd yegliche sein Lehen, lant vnd Lüte
 mit allen vnd yeglichen Rechten nutzen vnd Zugehorungen, vnd mit allem
 das wir Im doran von Rechts wegen verlihen sollen, oder zu verlihen haben
 gnediglich verlihen vnd verlihent Im die von Romischer kuniglicher macht in
 craft disß briefs, also daz er vnd sein erben die obgeschriben lehen haben
 halden besitzen besetzen vnd vndsetzen sollen vnd mogen, vnd die ouch als
 oft das not wirt von vns vnd vnsern nachkomen an dem Riche zu empfaen,
 vnd dauon zu dienen vnd zu tun als lehens Recht vnd gewonheit ist, unshed-
 lich, doch vns vnd dem Riche, vnd sust yedermann an sinen Rechten, vns
 hat auch der benante Marggraff Wilhelm als einem Romischen kunig hul-
 dung end gelubde getan als das von solicher Lehen wegen billich ist zu tun,
 vns vnd dem Riche gewertig vnd gehorsam zu sein. Mit Vrkund disß briefs ver-
 sigelt mit vnsern kuniglichen maiestat Insigel. Geben zu Preßburg Nach
 Crists geburt vurtzehenhundert Jar, und dornach in dem Neunndtzwen-

tzigisten Jare, An sant Philips vnd sant Jacobs tag, vnserer Riche des
 Hungrischen &c. in dem XLIIJ des Romischen In dem XIX, vnd des
 Behemischen In dem Newnden Jaren.

||
 (L.S.)

Ad mandat d. Regl.
 Caspar Slik.



CCCLXXI.

CHARTA FOEDERIS TRIENNALIS INTER
 JACOBUM MARCH. BAD. ET CIVITATEM
 FRIBURGENSEM.

ANNO MCCCCXXX.

Ex Archivo Abbatie Tennebacensis.

Wir JACOB von Gottes gnaden Marggrave zu Baden u. wir
 der Burgermeister Rate u. die gantze gemeynde gemeinlich
 zu Fryburg im Brisgauwe bekennen . . darumbeyt demale wir Marg-
 grafe Jacob mit unser Marggraffschafft zu Hochberg an die vorgehen. von
 Friburg stoffen . . . herumb so vereynigen wir uns in crafft dis
 brieffs hie zwischent u. zu wyhenachten necht kompt und von densel-
 ben wyhenachten uber drü gantze jare . . . als hernach geschriben

Cod. Dipl. P. II.

Z 2